

Āo, Khud Dekh Lo



āo, khud dekh lo

Come, See for Yourself

by Bakhtullah

[Ao, Khud Dekh Lo 3]

(Urdu—Roman script)

© 2022 www.chashmamedia.org

published and printed by

Good Word, New Delhi

The title cover is a collage including
OpenClipart-Vectors <https://pixabay.com/images/id-2026191/>.

Bible quotations are from UGV.

for enquiries or to request more copies:

askandanswer786@gmail.com

Fahrist

Kyā Mainne K̄hud Ākar Dekh Liyā Hai?	2
Kyā Main Us ke pīchhe Ho Liyā Hūn?	5
Kyā Main Uskā Ghar Wālā Ban Gayā Hūn?	6
Kyā Masīh Merā Bādshāh Hai?	7
Injīl, Yūhannā 1:35-51	11

Ek din kā zikr hai ki ek nāsamajh laṛkā nahr meñ nahāte hue phisal gayā aur ḍūbne lagā. Us ke sāthiyon ke dekhte dekhte wuh shor machāte hue pānī kī gahrāiyon meñ ojhal ho gayā. Lekin ek dost se rahā na gayā. Us ne pānī meñ chhalāng lagāyā. Aur sachmuch thoṛī der bād wuh dost ko pakarṅkar nikāl lāyā.

Be-chārā laṛkā! Wuh be-his-o-harkat kināre par parā rahā. Kyā uskā dam nikal chukā thā? Us ke yār-dost pareshān hālat meñ us ke gird ikaṭṭhe hue. Tab ek ne kahā, “Ṭhahro, pahle ham phephaṛon se pānī nikālte haiñ phir nabz dekhte haiñ.” Wuh jhukkar kāfī der tibbī imdād dene meñ lagā rahā. Phir uṭh kharā huā aur kahā, “Bahut hī kamzor hai. Lekin zindā hai. Halkī halkī sāns le rahā hai.”

Hālānki bilkul be-jān lag rahā thā. Na ṭhīk taur se marā huā thā, na zindā.

Kitne logon kī yahī hālat hotī hai. Dhyān se dekho tab hī patā chaltā hai ki zindā haiñ. Lag rahā hai ki wuh nahr ke kināre adhmue paṛe haiñ. Be-his-o-harkat. Wuh bas guzārā kar rahe haiñ. Un kī zindagī kā koī maqsad, koī mazā nahīn rahā. Dekhne meñ zindā hote haiñ magar haiñ hī murde.

► *Āpkī zindagī kaisī hai? Kyā wuh bharpūr aur bāmaqsad hai? Agar nahīn to ham kyā kar sakte haiñ ki hamārī jān meñ dubārā jān āe?*

Bharpūr zindagī pāne ke lie hameñ kuchh sawāl pūchhne chāhieñ. Pahlā sawāl:

Kyā Mainne Kḥud Ākar Dekh Liyā Hai?

Ek wāhid hastī hai jis se hamārī jān meñ jān ā saktī hai—wuh jo Īsā Masīh kahlātā hai.

Ek din Īsā Masīh Yahyā nabī ke pās āyā. Yahyā nabī ne use dekhte hī apne shāgirdon ko batāyā ki yih

Masīh hai. Yih wuhī hai jo duniyā ke gunāhoñ ko uṭhā le jāegā.

► *Kyā yih sunkar shāgirdoñ ko samajh āī ki Īsā Masīh kaun hai?*

Nahīñ. Lekin itnā wuh samajh gae ki yih ek ḵhās aur azīm ādmī hai.

Andhere meñ parwānā āg se khīñchā jātā hai. Wuh majbūr ho jātā hai chāhe wuh us meñ jal bhī jāe. Shāgird parwānoñ kī tarah Ḵhudāwand Īsā ke pīchhe pīchhe khichte gae.

Us ne muṛkar un se pūchhā, “Tum kyā chāhte ho?”

► *Āj Ḵhudāwand Īsā yih kuchh mujh se aur āpse bhī pūchhtā hai: Tum kyā chāhte ho?*

► *Āp kyā jawāb deñge?*

Āp baṛe hoñ yā chhoṭe, mard hoñ yā aurat, wuh har ek se yih sawāl pūchhtā hai. Kyā āp kaheñge ki “Mujhe chhoṛ do. Paighambar ho na ho magar merā āpse kyā wāstā. Merī to alag party hai.”

► *Apne āpko dhokā mat denā. Roz-e-mahshar par āp kyā kaheᅅge jab āpko taᅅht-e-adālat ke sāmne lāyā jāegā?*

Shāgirdoᅅn ne aisī koī bāt na kī. Unhoᅅn ne sāf pūchhā, “Ustād, āp kahān ᅅhahre hue haiᅅn?”

“Ustād.” Un ko itnā hī patā thā: Masīh hamārā ustād hai. Wuh ustād jis se hamārī jān meᅅ jān āegī aur āsmān kā rāstā khul jāegā. Isī lie ham wahān jānā chāhte haiᅅn jahān wuh ᅅhahrā huā hai. Īsā Masīh ne jawāb diyā, “Āo, ᅅhud dekh lo.”

Kitnī ᅅhūbsūrat dāwat! Wuh majbūr nahīᅅn kartā. Khulī dāwat hai ki āo aur ᅅhud patā kar lo. Tab tum jān loge ki maiᅅn kaun hūᅅn.

Donoᅅn shāgird Masīh ke hān pahuᅅnche. Shām ke chār baj gae the. Unhoᅅn ne kyā kyā dekh liyā hogā? Kyā wuh pūrī rāt bāteᅅn karte rahe? Ho saktā hai ki ustād kā muhabbat-bharā chehrā hī kāfī thā. Jo bhī huā, yih shāgird ekdam ᅅhudāwand Īsā se lipaᅅ gae. Ab se wuh us ke hān ᅅhahre rahe.

Īsā Masīh ke pīchhe ho lene kā matlab yahī hai: Āo, khud dekh lo. Aur is se zyādā: Mere sāth thahro. Matlab yih nahīn ki ham uskī party ke member baneñ. Use siyāsī bātoñ se saḡht nafrat hai. Nahīn, wuh chāhtā hai ki ham us ke ghar wāle ban jāeñ. Ki jahān wuh hai wahān ham bhī hoñ. Ki wuh hamārā āqā ho. Ham uskī āwāz suneñ aur uskā hāth thāme hue chal paḡeñ. Yoñ hī hamen bharpūr zindagī miltī rahegī. Islie merī aur āpkī zindagī kā sab se ahm sawāl yih hai:

Kyā Maiñ Us ke pīchhe Ho Liyā Hūñ?

Jab zabardast chaṭān samundar meñ gir jāe to baḡī baḡī lahreñ uchhalkar chāroñ taraf phail jātī haiñ. Jo bhī rāste meñ hai use wuh apne sāth le jātī haiñ. Khudāwand Īsā ke pās thahrne se yahī kuchh huā. Wuh Masīh kī muhabbat-bharī lahr meñ ākar itne josh meñ āe ki un se rahā na gayā. Un ko dūsroñ ko yih khushkhabrī batānā hī thā.

Donoñ meñ se ek kā nām andriyās thā. Uskā dil ustād kī bātoñ se chhalak uṭhā to wuh sīdhe apne bhāi Patras ke pās jā pahuñchā. Kahā, “Hameñ Masīh mil gayā hai.” Wuh jo hameñ bachāegā. Yih kahte hī andriyās apne bhāi ko ghasīṭkar Īsā Masīh ke pās le gayā. Bhāi bhī ekdam Masīh ke jādū meñ ā gayā.

Lahreñ abhī tak zoroñ par thīñ. Ab Ḳhudāwand Īsā ek ādmī banām Filippus se milā. Us ne kahā, “Mere pīchhe ho le.”

► *Kyā main us ke pīchhe ho liyā hūñ?*

Tīsrā sawāl:

Kyā Main Uskā Ghar Wālā Ban Gayā Hūñ?

Filippus na sirf rāzī huā. Wuh itne josh meñ ā gayā ki sīdhe apne jānane wāle Natanel ke pās pahuñchā. Kahne lagā, “Hameñ wuh mil gayā jis kā zikr Mūsā aur nabiyōñ ne kiyā hai. Wuh Nāsarāt kā rahne wālā hai.”

Natanel kī hañsī chhūṭ gaī, “Nāsarāt!? Kyā Nāsarāt se koī achchhī chīz nikal saktī hai?” Nāsarāt meñ

kam ābādī thī, aur use haqīr jānā jātā thā. Al-Masīh aisī jagah se kis tarah ā saktā thā?

Filippus ne jawāb diyā, “Ā aur ꝑhud dekh le.”

Filippus yih bāt samajh gayā thā ki āne aur ꝑhud dekh lene se hī sab kuchh mālūm ho jātā hai. Koī aur rāstā nahīn. Ghar kā rishtā bāndhnā hai. Yih to koī falsafā nahīn hai jo wuh kitāb ꝑarḥkar mān saktā hai. Na kisī party ke office meñ jākar apnā nām register karwānā hai. Ghar kā rishtā ghar ke andar hī bāndhā jātā hai. Ghar wāloñ ke āmne-sāmne.

► *Kyā main uskā ghar wālā hūñ?*

Chauthā sawāl:

Kyā Masīh Merā Bādshāh Hai?

Īsā Masīh Natanel ko āte dekhkar pukār uṭhā, “Lo, yih sachchā Isrāīlī hai jis meñ makr nahīn.”

Natanel hakkā-bakkā rah gayā. “Āp mujhe kahāñ se jānte haiñ?”

Īsā Masīh ne jawāb diyā, “Is se pahle ki Filippus ne tujhe bulāyā mainne tujhe dekhā. Tū anjīr ke daraḡht ke sāy meñ thā.”

Kyā bāt hai! Is se pahle ki ham use dekheñ Īsā Masīh hameñ pukārkar farmātā hai ki “Āo aur ḡhud dekh lo.”

Natanel bhī Masīh kī muhabbat-bharī lahr meñ ā gayā. Us meñ ḡube hue wuh pukār uḡhā, “Ustād, āp Allāh ke Farzand haiñ, āp Isrāīl ke bādshāh haiñ.”

ḡhudāwand Īsā ne farmāyā, “Achchhā, merī yih bāt sunkar ki mainne tujhe anjīr ke daraḡht ke sāy meñ dekhā tū imān lāyā hai? Tū is se kahīñ baḡī bāteñ dekhegā. Main tum ko sach batātā hūñ ki tum āsmān ko khulā aur Allāh ke farishton ko ūpar chaḡhte aur Ibn-e-Ādam par utarte dekhoge.”

► *Ham yih mushkil bāt kis tarah samajh sakte haiñ?*
Qadīm zamāne meñ Isrāīl ke buzurg Yāqūb ne ḡhāb meñ ek sīḡhī dekhī thī jo zamīn se āsmān tak pahuñchtī thī. Farishte us par chaḡhte aur

utarte nazar āte the. Rab us ke ūpar kharā thā.
Likhā hai,

Tab Yāqūb jāg uṭhā. Us ne kahā,
“Yaqīnan Rab yahān hāzir hai, aur
mujhe mālūm nahīn thā.” Wuh ḍar
gayā aur kahā, “Yih kitnā kḥaufnāk
maqām hai. Yih to Allāh hī kā ghar
aur āsmān kā darwāzā hai.”

(Taurāt, Paidāish 28:16-17)

Ḳhudāwand Īsā apne shāgirdoñ ko batānā
chāhtā hai ki ab tum bhī mere wasīle se
dekhoge ki āsmān kā darwāzā insān ke lie khul
jāegā.

Ek aur bāt. Īsā Masīh ne apne āp ko Ibn-e-Ādam
kahā.

► *Kyon?*

Dāniyāl nabī ne sadiyoñ pahle al-Masīh ke bāre
meñ ek royā dekhī thī. Us meñ us ne dekhā thā
ki

Āsmān ke bādaloñ ke sāth sāth koī ā rahā hai jo Ibn-e-Ādam-sā lag rahā hai. Jab Qadīmūl-aiyām ke qarīb pahuñchā to us ke huzūr lāyā gayā. Use saltanat, izzat aur bādshāhī dī gai, aur har qaum, ummat aur zabān ke afrād ne uskī parastish kī. Uskī hukūmat abadī hai aur kabhī khatm nahīn hogī. Uskī bādshāhī kabhī tabāh nahīn hogī. (Dāniyāl 9:13-14)

Ḳhudāwand Īsā yahī Ibn-e-Ādam hai jo ek din duniyā kī adālat karne āegā. Uskī bādshāhī kabhī tabāh nahīn hogī. Wuhī har insān kā Ḳhudāwand hai chāhe wuh yih bāt māne yā na māne.

Yon Īsā Masīh kī kḥidmat shurū huī. Aur yih kḥidmat āj tak jāri rahī hai. Āj tak wuh bār bār pukārtā rahtā hai: Āo, kḥud dekh lo! Āo, kḥud dekh lo!

- *Rahā yih sawāl: Kyā main ne us ke huzūr ākar
ḵhud dekh liyā hai?*

Injil, Yūhannā 1:35-51

Agle din Yahyā dubārā wahīn kharā thā. Us ke do shāgird sāth the. Us ne Īsā ko wahān se guzarte hue dekhā to kahā, “Dekho, yih Allāh kā lelā hai!”

Uskī yih bāt sunkar us ke do shāgird Īsā ke pīchhe ho lie. Īsā ne muḵkar dekhā ki yih mere pīchhe chal rahe haiñ to us ne pūchhā, “Tum kyā chāhte ho?”

Unhoñ ne kahā, “Ustād, āp kahān ṭhahre hue haiñ?”

Us ne jawāb diyā, “Āo, ḵhud dekh lo.” Chunānche wuh us ke sāth gae. Unhoñ ne wuh jagah dekhī jahān wuh ṭhahrā huā thā aur din ke bāqī waqt us ke pās rahe. Shām ke taqrīban chār baj gae the.

Shamāūn Patras kā bhāī Andriyās un do shāgirdoñ meñ se ek thā jo Yahyā kī bāt sunkar Īsā ke pīchhe ho lie the. Ab uskī pahlī mulāqāt us ke apne bhāī Shamāūn se huī. Us ne use batāyā, “Hameñ Masīh mil gayā hai.” (Masīh kā matlab ‘masah kiyā huā shaḡhs’ hai.) Phir wuh use Īsā ke pās le gayā.

Use dekhkar Īsā ne kahā, “Tū Yūhannā kā beṭā Shamāūn hai. Tū Kaifā kahlāegā.” (Iskā Yūnānī tarjumā Patras yānī patthar hai.)

Agle din Īsā ne Galīl jāne kā irādā kiyā. Filippus se milā to us se kahā, “Mere pīchhe ho le.” Andriyās aur Patras kī tarah Filippus kā watanī shahr Bait-saidā thā.

Filippus Natanel se milā, aur us ne us se kahā, “Hameñ wuhī shaḡhs mil gayā jis kā zikr Mūsā ne Tauret aur nabiyōñ ne apne sahīfoñ meñ kiyā hai. Uskā nām Īsā bin Yūsuf hai aur wuh Nāsarat kā rahne wālā hai.”

Natanel ne kahā, “Nāsarāt? Kyā Nāsarāt se koī achchhī chīz nikal saktī hai?”

Filippus ne jawāb diyā, “Ā aur k̄hud dekh le.”

Jab Īsā ne Natanel ko āte dekhā to us ne kahā, “Lo, yih sachchā Isrāīlī hai jis meñ makr nahīñ.”

Natanel ne pūchhā, “Āp mujhe kahān se jānte haiñ?”

Īsā ne jawāb diyā, “Is se pahle ki Filippus ne tujhe bulāyā mainne tujhe dekhā. Tū anjīr ke daraḳht ke sāy meñ thā.”

Natanel ne kahā, “Ustād, āp Allāh ke Farzand haiñ, āp Isrāīl ke bādshāh haiñ.”

Īsā ne us se pūchhā, “Achchhā, merī yih bāt sunkar ki mainne tujhe anjīr ke daraḳht ke sāy meñ dekhā tū imān lāyā hai? Tū is se kahīñ barī bāteñ dekhegā.” Us ne bāt jāri rakhī, “Main tum ko sach batātā hūn ki tum āsmān ko khulā aur Allāh ke farishton ko ūpar chaḳhte aur Ibn-e-Ādam par utarte dekhoge.”